



TOSHKENT DAVLAT YURIDIK UNIVERSITETI REKTORINING B U Y R U G ' I

20.02.2024

99-tm-son

Talabaga hayfsan e'lon qilish to'g'risida

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan, ayrim talabalar tomonidan universitet Odob-axloq kodeksi va boshqa ichki tartib qoidalarini buzish holatlari kuzatilmoqda.

Xususan, Xalqaro huquq va qiyosiy huquqshunoslik fakulteti 1-kurs talabasi Tursunboyev Elmurod Erkin o'g'li universitetda tahsil oladigan bir nechta talabalardan o'zining plastik kartasiga pul o'tkazib berishsa, naqd pul qilib qaytarib berishini aytib hamda shoshilinch holatda kelib duch kelgan talabaga "iltimos pul berib turing taksi pulini to'lab olay" yoki "yandexdan buyurtma bergan mahsulotim keldi next pulim yo'q edi, iltimos berib turing keyin Sizga qaytaraman" ularning pullarini turli aldov yo'llari va bahonalar bilan olgan, ammo ushbu pullarni qaytarib bermagan.

Ushbu holat yuzasidan Ma'naviyat va ma'rifat markazi direktori Sh.Po'lotov bir necha bor E.Tursunboyevni chaqirtirib, unga bu holatga barham berishini, talabalardan olgan pullarini qaytarib berishini va bu kabi holatlar qayta takrorlansa unga nisbattan intizomiy chora ko'rilishini aytib uni ogohlantirgan.

Talaba ogohlantirishdan xulosa chiqarganini aytib, o'zi pul olgan 2-3 nafar talabaga olgan pullarini qaytargan. Lekin talaba qilmishidan to'liq xulosa chiqarmasdan ushbu ishni davom ettirgan.

E.Tursunboyev quyidagi talabalardan, xususan G'.Naqibboyevdan 100 ming so'm, L.Doniyorovdan 350 ming so'm, S.Yuldashevdan 65 ming so'm, D.Safarovdan 50 ming so'm, J.Nabiyevdan 200 ming so'm, J.Bobomurodovdan 65 ming so'm va M.Mo'minovdan 100 ming so'm miqdoridagi pullarni olib (bu talabalar faqat murojaat qilganlar), har xil bahonalar bilan o'z vaqtida qaytarmagan.

Mazkur holatlar yuzasidan talaba E.Tursunboyevning otasi E.Mahamatov va onasi M.Mahamatovalar dekanatga chaqirtirilib, yuqoridagi talabalardan olingan pullar E.Tursunboyevning ota-onasi tomonidan to'liq qaytarilishi ta'minlangan.

Bundan tashqari, talaba E.Tursunboyev talabalar N.Muxtorovdan 100 ming so'm va A.Yusupovdan 200 ming so'm pullarini o'zining plastik kartasiga pul o'tkazib berishsa, naqd pul qilib qaytarib berishini aytib, ularning pullarini olgan, ammo hozirgi kunga qadar qaytarib bermagan.

Talaba E.Tursunboyev o'z tushuntirish xatida universitet talabalari G'.Naqibboyev, L.Doniyorov, S.Yo'ldoshev, D.Safarov, J.Nabiyev, J.Bobomurodov va M.Mo'minovlardan olgan pullarini o'z vaqtida qaytarmaganligini va mazkur pullar ota-onasi tomonidan qaytarib berilganligini qayd etgan.

Bundan tashqari, talaba E.Tursunboyev o'z tushuntirish xatida talabalar N.Muxtorovdan 100 ming so'm va A.Yusupovdan 200 ming so'm pullarini o'zining plastik kartasiga pul o'tkazib berishsa, naqd pul qilib qaytarib berishini aytib, ularning pullarini olgani, ammo hozirgi kunga qadar qaytarib bermaganini qayd etgan.

Talaba E.Tursunboyev mazkur harakatlari bilan universitet Odob-axloq kodeksi 17-moddasining 1-qismi birinchi xatboshisi (har qanday huquqbuzarlik yoki jinoyat sodir etish), beshinchi xatboshisi (xodim, talaba va doktorantlarga jismoniy, ma'naviy yoki moddiy zarar yetkazish) va oltinchi xatboshisi (xodim, talaba, doktorant yoki boshqa shaxslarning mulkiga, moddiy qimmatliklariga egalik qilish, foydalanish yoki tasarruf etish uchun turli ko'rinishda egallab olish, basharti ushbu holat tegishli asoslar bilan o'z tasdig'ini topsa) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 17-moddasining 1-qismi birinchi, beshinchi va oltinchi xatboshisi hamda universitetning Ichki tartib qoidalari (ichki mehnat tartibi qoidalari) 83-bandiga asosan

BUYURAMAN:

1.Toshkent davlat yuridik universiteti Odob-axloq kodeksi 17-moddasi 1-qismining birinchi, beshinchi va oltinchi xatboshisi talablarini buzganligi uchun Xalqaro huquq va qiyosiy huquqshunoslik fakulteti 1-kurs talabasi Tursunboyev Elmurod Erkin o'g'liga u tomonidan shu va shunga o'xshash qoidabuzarliklar takroran sodir etilsa unga nisabttan "talabalar safidan chetlashtirish" intizomiy chora qo'llanilishi sharti bilan **hayfsan** e'lon qilinsin.

2.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov):

mazkur buyruq mazmun-mohiyatini talabaning shaxsini sir saqlagan holda talabalar e'tiboriga yetkazilishi va keng muhokama qilinishini ta'minlasin;

talabalar orasida bu kabi qoidabuzarliklar sodir etilmasligi, talabalarga hallolik, birovning haqqiga xiyonat qilmaslik tushunchalarini shakllantirish borasida keng tushuntirish va targ'ibot ishlarini olib borish choralari ko'rsin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabaning shaxsiy hujjatlar yig'majildiga buyruq nusxasi tikilishini

ta'minlasin;

mazkur holat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan o‘rinbosari

B.NORMATOV



Kelishildi:

Direktor

SH.PO‘LOTOV



Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Katta yuriskonsult

A.TURSUNOV

